

萬曆

泉州府志

第五冊

十至十二卷

泉州府志卷十

官守志下

古今官蹟

唐

薛昱天寶中爲清源太守以清德著郡人歌云郡
號清源官有清德

蘇妙字觀妙南海人大曆中刺泉有惠政有白鵲
來巢行春門樓妙出鵲每集車蓋州民頌歌之

薛播實鼎人開元天寶間兄弟七人並擢進士累
授殿中侍御史李栖筠常哀崔祐甫金器趙祐甫

輔政拜中書舍人出爲汝州刺史坐小累貶泉州
秦系客泉播頻往候歲時致之羊酒丹累遷河南
尹禮部侍郎

趙昌字洪祚天水人貞元間刺史鑿塘水灌田三
百餘頃後爲尚書民追思其德名其塘曰尚書塘
席相安定人刺州敷政興文建六曹都堂造北樓
貞元癸酉歲邑貢士歐陽詹等八人相將薦之闕
下設讌東湖亭修賓主禮款洽備至一時老幼來
窺盡室盈岐間里之士皆相告鄉學焉

薛戎字元夫寶鼎人少有學術不求聞達居陽羨

山江西觀察使李衡辟爲從事故相齊映代衡又
留署職府罷歸福建觀察使柳冕表爲從事轉殿
中侍御史會泉州缺刺史冕署戎權領州事是時
姚南仲節制鄭滑從事馬總以直道爲監軍使誣
奏貶泉州別駕冕附會權勢欲構成總罪使我按
問曲成之戎不從冕意別白其狀戎還自泉州冕
盛氣據衙而見賓客戎歷東廂從容而入冕度勢
未可屈徐起一揖而退又構其罪以狀聞置戎于
佛寺環以武夫恣其侵辱如是累月誘令成總之
罪竟不動搖杜佑鎮淮南知戎冤乃上表發書論

是戎難方解遂辭職歸後召拜侍御史歷浙江觀察使

趙榮泰和中刺史郡中有通淮橋其東南曰通淮門榮於郡郭之東南隅瀦洩江水以肥沃南洋之田民便之因其氏曰天水淮

姜公輔日南人爲唐相因論唐安公主造塔忤德宗謂其賣直售名左遷未幾貶泉州別駕築室于南安九日山與秦系相近順宗立拜吉州刺史未之官卒憲宗時贈禮部尚書宋蘇紳大書姜相峰刻于九日山之石登

馬總字會元扶風人貞元中謫泉州別駕篤學不
妄交遊雖吏事倥偬書冊在前用儒飾吏廉清不
撓歷官安南都護戶部尚書謚曰懿

趙頤正開元末爲晉江縣令鑿溝通舟楫至城下
民德之

五代

詹敦仁字君澤五代光州固始人遷閩隱於仙遊
植德山下上閩王景書勸景景命參決軍事強以
袍笏不受以詩謝之有周粟縱榮寧忍食葛盧頻
顧謾勞思之句居泉山杜門不出節度留從效辟

至復力辭之乃求監小溪場請置縣遂爲清溪令
政尚德惠舉王直道以自代愛佛耳山峭絕可耕
可廬卜築其上號所居曰清隱自爲記從效遺之
書稱曰清隱先生後人取書中有崇待篤信之語
名其里曰崇信

宋

韓國華字光弼安陽人太平興國二年進士以太
常少卿出知泉州質性純直治有時譽子琦郡舍
所生也後人邇所自出名府治之堂曰忠獻
陳靖莆田人太宗真宗朝議均田法三司阻之不

果行累官知泉州重農愛民郡人德之

方慎言字應之莆田人天聖元年知泉州會歲饑大發官廩賑貸尤恤鰥寡孤獨生子有以方兒爲名者

沈周字望之錢塘人康定元年守泉州爲治簡易訟有可已者輒使歸思之獄以故少泉舊多盜日暮市門輒閉禁民勿往來及周至除其禁而盜亦止

蔡襄字君謨仙遊人至和嘉祐間兩知泉州威惠兼行民畏而愛之州之東有萬安渡涉海而濟往

來畏其險棄石爲梁長三百六十丈種蠟於礎
爲固又植榕七百里以庇道路泉人刻碑記德立
祠祀焉祠在橋南今存

黃伸邵武人嘉祐六年進士知泉州建學校芝生
于梁改建州歷官司農卿

陳侂字君舉沙縣人通判蔡州嘗以疾在告力爭
枉獄免死者五人熙寧八年召知開封府屬新法
行請外知泉州以治行聞召見改惠州元豐五年
復知泉州舊法番商至必使詣廣東否則沒其貨
侂請立市舶司于泉詔從其議以朝議大夫致仕

贈特進

陳覺民仙遊人熙寧初登第元祐中知漳州建州
福州所至有治行崇寧五年改知泉州時有司建
言欲權六郡酤覺民陳五不可且移書約他郡同
請其事遂寢遷本路提刑風采嚴峻未嘗與僚屬
妄交一談人甚憚之

陸藻侯官人宣和中爲郡守招致郡中謝事五老
賦詩贈之曰五老三百五十七俱生仁祖承平時
名齊廬阜久傳世身異商山深採芝兄蘊同時爲
建寧守俱有名

梁巖老永福人政和中金丹犯闕奉使虜中被幽
荒寺日給以飲食食餘輒私晒之復陰漬其壁既
而壁壞挾餘糧夜遁晝伏竟全節歸高宗嘉嘆建
炎元年除直秘閣知泉州方欲大用之未幾卒士
大夫惜焉

孫夢觀字守叔慈溪人歷官太宗正丞兼屯田郎
中將作少監以言事忤當路者出知泉州兼提舉
市舶重名節蠲租省罰有循良之譽後知建寧府
卒其家室敗屋數間而已

劉子羽字彥修崇安人宣和間與父軫守真定金

不能拔而去由是顯名紹興六年知泉州在郡二年政多澤民民愛之如父母

趙鼎字元鎮聞喜人登崇寧五年進士歷遷司勳郎官嘗上言罷王安石配饗後以忤旨出奉祠歷知洪州召拜參知政事爲給事中勾濤所詆出知紹興秦檜往餞鼎不爲禮檜憾之有旨召鼎鼎至越勾祠檜惡其逼已徙知泉州年餘安撫泉民檜文諷御史中丞王次翁論鼎治郡廢弛命提舉洞霄宮鼎自泉歸復上書言時政檜忌其復用諷次翁又論其乾沒府錢十七萬緡安置潮州

陳康伯字長卿弋陽人紹興十六年知泉州時海寇間作朝廷遣劉竇成閔逐捕康伯以上意招懷盜多出降籍爲兵父之不逞者陰倡亂康伯訊得實論殺之州以無事後歷官尚書右僕射同中書門下平章事高宗謂其靜重明敏真宰相孝宗稱其器量從容可比謝安

葉廷珪字嗣忠旣寧人紹興八年以兵部郎中出知泉州爲政清靜簡易時通淮河塞廷珪疏引入城語州之士曰通此巽水十年當出大魁二期梁克家應之尤工詩書編纂有海錄雜事碎事傳

于世郡人祠于清源下洞

趙令衿宋宗室也紹興二十一年知泉州博學能
文在郡留意教養建堂全祀姜公輔秦系於九日
山下民感其化官至明州觀察使

辛次膺萊州人爲吏部郎時以劾秦檜妻兄王仲
疑等不法求去除直秘閣湖南提刑未幾罷奉祠
閱十六年其貧無求檜死起知泉州爲政清靜務
先德化人安其不煩移福建帥丁母憂乞納祿爲
人孝友清介立朝蹇諤仕宦五十年無綵毫挂吏
議云

范如圭子伯達建陽人登進士第歷校書郎兼史館校勘嘗以書奏檜曲學背師忘仇辱國之罪謫居杜門十餘年紹興二十九年知泉州南外宗室寄居郡中挾勢爲氣占役禁兵以百數如圭裁之以沐宗室大沮恨密譖之遂以中旨罷領祠陳俊卿字應求興化人隆興二年以寶文閣待制知泉州初俊卿爲州觀察推官服勤職業同僚宴集恒謝不往民受惠惠秦檜惡其不附已改南外睦宗院教授後累遷衆知政事平生孝友惠敬清嚴好禮在朝正色危論侃侃無所避焉

趙子淵乾道二年知泉州吏有掠民女爲妻者其妻妬悍磔之貯以缶抵其兄興化椽廨中妾父詣郡訴吏不能決子淵廉知密令人往興化掩取之果得盜遂成獄其精明多類此

王十朋字龜齡樂清人由太學試策高宗廷擢第一歷官吏部侍郎力辭出知饒州繼知湖州戶部責虛逋三十四萬命吏持券往取不聽即請祠去乾道四年起知泉州割俸錢創貢闈布上恩恤民隱士之賢者詣門以禮致之朔望會諸生學宮講經僚屬間有不善友復告戒使之自新民輸租俾

自槩量訟至溫詞曉以理義多退聽者去之日老
穉攀留越境以送思之如父母焉後以龍圖閣直
學士致仕州人建梅溪祠祀之朱熹稱十朋疎暢
洞達如青天白日磊落君子也

汪夫猷字仲嘉鄞縣人乾道七年以敷文閣待制
知泉州時毘舍狎嘗掠海濱歲遣戍防之勞費不
貲夫猷作屋二百區遣將留屯寇不復犯久之戍
兵以真臘大賈爲毘舍狎執之大猷曰毘舍狎面
黑如漆語言不通此非也遂遣之故事番商與人
爭鬪非折傷罪皆以牛贖大猷曰安有中國用島